

Ավագ վանքի վրայով: Գուցե գույժը լսելով՝ գրիչ Վարդան Կարնեցին շտապել է հայրենի Կարին գավառը, իսկ ձեռագիրը տարվել է Բաբերդ «եւ յայսմ ամի» պատրոն Աստուածատուրը ձերբակալվել է ամիրայի կողմից «և ի ձեռն այնմ գազանի»<sup>79</sup> կնքել իր մահկանացուն:

Բ. Սարգիսյանը, Տօնականի վեներտիկյան թերթերի վրա գրված հիշատակագրությունը նկատի ունենալով, ուր ապաված է «զՅովհաննէս Միջնաղբերացի, որ լի հավատով եւ հոգով ձեռնտու եղև յաղագս սուրբ գրոյս... որ մեծալուսով մասնակից եղև, սուրբ և բարեճաշակ բուրաստանիս, եւ փոխանակ երկրաւորիս ստացաւ զանճառելին», գրում է. «կերևի թե փրկանավորելին վերջ գրված է սույն հիշատակագրությունը և թե Աստուածատուրի մահվանեն ետքը Հովհաննես քահանան ստացող եղած ըլլա մատենիս, եթե «ստացաւ զանճառելին» բացատրութեամբ զայս ակնարկել ուղած է գրիչը»<sup>80</sup>: Հովհաննես Միջնաղբերացին նույնպիսի ստացող էր, ինչպիսիք Տօնականի փրկագնման մասնակից մյուս, մի քանի տասնյակի հասնող անձնավորություններն են: Հովհաննես Միջնաղբերացուն մի քանի անգամ են հիշատակում ձեռագրում, նույնիսկ Հիշատակարանում (603ա, 603բ), որովհետև ձեռագրի 4000 դրամ փրկագնից 1100-ը նա էր տվել: Այդ պատճառով «գրեցաք երկրորդ պատարագ Յովաննիսի՝ հրամանաւ տէր Եսայեա, փիլիսոփայիցս և համարէն ուխտիս և զերապայծառ առաջնորդիս մերոյ Աբրահամու և սուրբ բեմբականաց Բ պատարագ անխաբան ամ-յամէ կատարել»<sup>81</sup>: Տօնականի ստացողը, Աստուածատուրից հետո, Մշո Առաքելոց վանքն էր:

## Ը

Այդ թվականից հետո անհայտ է նաև գրիչ Վարդանի ճակատագիրը: «Հընուտ և վարժ ամենայն արհեստի գրչութեան» Վարդան Կարնեցի գրչից մեզ հայտնի են մինչև 1200 թվականը օրինակած մի Տօնականի մասին տեղեկություն, այդ թվականին ավարտած Ավետարանը և վերջապես մեր Տօնականը: Միայն վերջինս էլ բավական է, որ Վարդան գրիչը մնա որպես հայ գրչության արվեստի մեծ երախտավորներից մեկը, որպես մեզ հասած հայերեն ամենախոշոր ձեռագրի կերտողը: Բայց փորձենք որոնումները: Ստեփանոս գրիչը, որի ընդօրինակած Ավետարանի հիշատակարանը շատ նման է Վարդանի ընդօրինակության հիշատակարանին, և էջերով համընկնում են միմյանց, գրում է որ ինքն արտագրել է «յ(ը)նտիր եւ ի ստոյգ արինակէ ամենայն արհեստիւք լի եւ պատատուն, որ էր Կալզմաի հոետորի»<sup>82</sup>: Կողմա հոետորը ԺԲ դարավերջի և ԺԳ դարսկզբի նշանավոր գրիչ և ծաղկող էր, որի ընդօրինակությունները համարվում էին ընտիր օրինակներ: Ի միջի այլոց այսպիսի դեպքերում «հոետոր» բառը ոչ թէ ճարտարախոս, ճառախոս է նշանակում, այլ ճարտարագիծ, գրչության նշանավոր վարպետ: Կողմա գրչից Մաշտոցյան Մատենադարանում պահվում է Խարբերդի Բարջանջ գյուղում 1219 թ. գրած և

79 Հիշատակարանը, Ա, էջ 712:

80 Բ. Սառգիսյան, Ցուցակ, Վեներտիկ, Բ, էջ 480:

81 Մատենադարան, ձեռ. № 7729, էջ 603բ: Առաքելոց վանքի միաբաններից են նաև Աւետիս Յրանցի և Երեմիան, որոնց հիշատակագրությունները «Յիշատակարանք»-ի մեջ պահվում են որպես ձեռագրի գրչի և ստացողի ժամանակակիցների հիշատակագրություններ:

82 Մատենադարան, ձեռ. № 10359, էջ 307բ: